

Johtočála 2025-26

Dáhton: 1.07.2025

Buhtada johtočállaga 2023-34

Njuolggadus Boazodoalu ovddidanfoandda kapihttal 2, Doarjja mearkkašahtti boazovahágiid oktavuodas lihkohisvuodaid geažil – kommentárat njuolggadussii

Sisdoallu

Álggahus	2
Oppalašgovva rievdadusaid badjel	2
Rievdadusat mat čuvvot boazodoallošiehtadusa 2025/2026	2
Njuolggadusa mearrádusat	3
§ 2-1 Ulbmil.....	3
Kommentárat mearrádussii.....	3
§ 2-2. Čilgehusat	3
Kommentárat mearrádussii.....	3
§ 2-3. Doarjjaeavttut	4
Kommentárat mearrádussii.....	5
§ 2-4. Duodášteapmi.....	6
Kommentárat mearrádussii.....	6
§ 2-5. Doarjaga meroštallan.....	7
Kommentárat mearrádussii.....	8
§ 2-6. Sierragáibádus ohcamii.....	9
Kommentárat mearrádussii.....	10

Álggahus

Doarjaga eavttut leat [Boazodoalu ovddidanfoandda njuolggadusain](#) kapihtal 2.

Doarjjaohcamušaid meannudeapmái gusket hálddašanlága njuolggadusat. Njuolggadus, johtočála ja ohcanskovvi leat olámuttus Eanandoallodirektoráhta ruovttusiidduin.

Oppalašgovva rievdadusaid badjel

Rievdadusat mat čuvvot boazodoallošiehtadusa 2025/2026

§ 2-3. Doarjaga eavttut

Mearrádusas lea ođđa nubbi lađas. Orohagat ja siiddat sáhttet dal ohcat doarjaga go leat mánga siidaoasi mat leat vásihan seamma lihkohisvuoda ja ii leat vejolaš gávdnat bohcco eaiggáda.

§ 2-5. Doarjaga meroštallan

Mearrádusa nuppi lađđasis lea dárkkuhuvvon ahte iežasoassi doarjaga meroštallamis lea juohke siidaoasi namas. Dárkkuhus lea dahkkon § 2-3 rievdadusaid dihte, ja boahtá geavahuvvot dalle go orohat dahje siida ohcá doarjaga lihkohisvuodaid oktavuodas maid eambbo go okta siidaoassi lea vásihan.

Njuolggadusa mearrádusat

§ 2-1 Ulbmil

Ulbmil doarjagiin lea veahkkin gokčat vahága goluid siidaosiide ja boazoservviide mearkkašahtti boazovahága oktavuodas lihkohisvuodaid geažil.

Gáldu: [Forskrift for Reindriftens Utviklingsfond](#) (Lovdata)

Kommentárat mearrádussii

Ulbmilmearrádus rievdaduvvui njuolggadusa geassemánu 22. beaivvi 2021 nr.2306 bokte dárkkuhan dihte ahte doarjjaortnet galgá veahkkin gokčat goluid vahága oktavuodas. Čállinvuogis ovdal bodii ovdan ahte ortnet veahkehii gokčat goluid maid oaččui vahága oktavuodas. Rievdadus ii mielddisbuvtte práksisrievdadusaid.

Doarjja mii máksojuvvo galgá oktiivástidit ulbmiliin. Ulbmilmearrádusa sáhtá maiddá geavahit jus eahpida eará mearrádusaid kapihttal 2 geavahusa.

§ 2-2. Čilgehusat

Lihkohisvuodain oaivvilduvvo dán kapihttalis vuorddekeahtes ja fáhkka dáhpáhus, man geažil ollu bohccot duššet, ja man boazoeaiggát ii livčče govtolaš árjjaiguin sáhtán hehttet. Dat sáhtá leat ovdamearkka dihte heavvaneapmi, muhtaudas, firron ja fáhkka dávddat.

Massimat lássahuvvan guohtumiid, guohtumiid guorbama, unnán njuovvama dahje boraspiriid geažil eai rehkenastojuvvo lihkohisvuhtan dán kapihttalis.

Ealu sturrodat ovdal massimiid mearkkaša dat boazolohku mii lei maŋemus almmolaččat dárkkistuvvon lohkamis. Jus dakkár lohkan ii leat čađahuvvon maŋemus boazodoallojagis, de biddjo maŋemus boazodoallodiedáhusa boazolohku vuodđun.

Gáldu: [Forskrift for Reindriftens Utviklingsfond](#) (Lovdata)

Kommentárat mearrádussii

§ 2-2 leat vassis doahpagat čilgejuvvon mat geavahuvvojit kapihttal 2:is. Čilgehusat láidestit dasa mo doahpagiid galgá ipmirdit, ja das lea mearkkašupmi mearrádusaid dulkomii kapihttalis ja doarjjaohcamušaid áššemeannudeapmái. Listu ovdamearkkaid badjel ii leat dievaslaš.

Vuosttaš lađas

[Vuordemeahtun ja fáhkka dáhpáhus](#)

Doaba čujuha ovttá dáhpáhussii mii boahtá fáhkka ja vuordemeahtumit. Dan dihte ferte dáhpáhus hirmáhuhtán boazoeaiggáda, ja dáhpáhusa ii vuorddášii geavvat dábálaš doaibmadilálašvuodain.

Boazoeaiggát bargan aktiivvalaččat

Mearrádus eaktuda ahte boazoeaiggát lea aktiivvalaččat bargan. Gáibiduvvo, ahte boazoeaiggádis lea vissis máhttu riskafáktoriid birra mat sáhttet dagahit lihkohisvuođaid. Boazoeaiggáda dagut, sihke ovdal ja lihkohisvuođa oktavuodas, leat mearrideaddjin vahágiid eastadeamis.

Goalmmát lađas: Ealu sturrodas

«Ealu sturrodas» čujuha dávjjimusat ovttaskas siidaoasi ellui ja gullelaš boazolohkui, dat vuolgá das ahte siidaoassái dat dábálaččat lea vuoigaduvvon doarjja ortnega čađa. Muhtun oktavuodain – nu go čakčajohtimis – de sáhttet mángga siidaoasi bohccot leat čoahkis go lihkohisvuohta dáhpáhuvvá. Dakkár oktavuodain lea BOF-stivra vuodđudan viiddis ipmárdusa «eallosturrodahkii», mas siidaosiid oktasaš boazolohku lea vuodđun. Go orohagat dahje siiddat ovddidit doarjjaohcamuša mángga siidaoasi ovddas mat leat vásihan seamma lihkohisvuođa, de geavahuvvo maidái viiddis ipmárdus doahpagis, vrd. § 2-3 nuppi lađđasa.

Boazoservviid eallosturrodas čujuha álo olles boazosearvvi boazolohkui.

§ 2-3. Doarjjaeavttut

Doarjja sáhtta juolluduvvot ovttaskas dollui/boazosearváii jus čuovvovaš eavttut leat devdojuvvon

- a. massin lea deaividan lihkohisvuođa geažil, gč. § 2-2,
- b. eará ortnegat eai buhte massima,
- c. massin mii ovtta ja seamma lihkohisvuođas dahká unnimustá 10 proseantta ealu sturrodagas ovdal massima. Sáhtta sorjjakeahtta das addot doarjja jus lea massán unnimustat 150 heakka. Ii juolluduvvo doarjja go massá unnit go 10 heakka.
- d. massojuvvon bohccot c-bustáva mielde leat duođaštuvvon § 2-4 mielde,
- e. siidaoassi/boazosearvi dakkaviđe lea diedihhan vahága stáhtahálddašeaddjái. Siidaoassi ferte dasa lassin leat diedihhan vahága orohatstivrii.
- f. siidaoassi /boazosearvi lea álggahan dárbblaš doaibmajagiid maiguin eastada/unnida vahága,
- g. siidaoassi/boazosearvi lea ožžon doaibma-/buvttadanvuoittu¹ unnimustat ovtta golmma manemus jagis,
- h. siidaoasis leat boazolohku doaibmajagis mii addá vuoigatvuođa oázžut doarjaga doaibmajagis siidaosiid ja boazoservviid doarjjanjuolggadusa vuodul § 4.

Jus okta lihkohisvuohta čuohcá mángga siidaoassái ii ge leat vejolaš mearridit geasa boazu gullá, de sáhtta doarjja juolluduvvot orohahkii dahje siidii. Dakkár oktavuodain galgá orohat dahje siida juogadit doarjaga guoskevaš siidaosiide mat devdet doarjjaeavttuid, gč. vuosttaš lađđasa.

1. Vrd. njuolggadus doarjaga birra siidaosiide ja boazoservviide § 10.

Kilde: [Forskrift for Reindriftens Utviklingsfond](#) (Lovdata)

Kommentárat mearrádussii

Bestemmelsen stiller en rekke vilkår som alle må være oppfylt for at tilskudd skal kunne innvilges.

Vuosttaš lađas: Doarjjaeavttut

Bustávva a: lihkohisvuohta

Vahátsivva galgá oktiivástidit lihkohisvuođa čilgehusain § 2-2 vuosttaš ja nuppi lađđasis. Vaháгат eará sivaiddihte eai gokčojuvvo kapihttal 2 mielde.

Bustávva b: Vaháгат maid eará ortnegat gokčet

Jus seamma vahát lea gokčojuvvon oalát eará ortnegiid bokte, de ii oaččo doarjaga kapihttal 2 mielde. Ulbmil njuolggadusain lea buhtadit ohcci vahágiid, ii ge leahkit ekonomalaš vuoitun mas ohcci oažžu eanet ruđa go vahága árvvu. Eaktu hehte ahte seamma vahát buhtaduvvo mángii.

Bustávva c: boazolohku

Mearrádusas biddjo vuolit ráđji das mii oidnojuvvo «mearkkašahtti vahágin». Vaháгат unnit go vuolit ráđji § 2-3 bustávva c mielde eai gokčojuvvo kapihttal 2 mielde. Boazolohku mii lea dieđihuvvon maŋemus boazodoallođieđáhusas lea vuodđun meroštallamis.

Áššis 25/25 lea BOF-stivra bidjan vuodđun viidát dulkoma «ealu sturrodagas» vrd. § 2-2 goalmát lađđasa ja dan mearrádusa. Go mánga siidaoasi gillájit seamma lihkohisvuođas, de árvvoštallojuvvo massojuvvon bohccuid gáibádus olles ealu vuodul mii gillái lihkohisvuođas, - iige ovttaskas siidaoasi boazologu vuodul.

Bustávva d: Duodášteapmi

Vaháгат galget leat duodášuvvon nu go lea čilgejuvvon § 2-4, geahča § 2-4 kommentáraid.

Bustávva e: Dieđiheapmi

Gáibiduvvo, ahte stáhtahálddašeaddji dieđihuvvo, ja siidaoasit fertejit maiddá dieđihit orohatstivrii. Boazoservviin ii leat orohatstivra ja fertejit dieđihit stáhtahálddašeaddjai.

Bustávva f: Vahágiid eastadeapmi/unnideapmi

Gáibiduvvo, ahte ohcci bidjá dárbbaslaš doaibmajuid johtui eastadan/unnidan dihte vahágiid. Ovdamearkan dakkár eastadeapmái sáhtta leat ahte ohcci bijai buot dárbbaslaš doaibmajuid johtui dakkaviđe go gulai lihkohisvuođa birra, iige vuordán oaidnin dihte mo manná. Jus ohcci ii leat bidjan buot doaibmajuid johtui mat ledje dárbbaslaččat eastadan/unnidan dihte vahágiid, de ii gokčojuvvo vahát kapihttal 2 mielde.

Bustávva g ja h: Eará eavttut

Bustávva g ja h sisttisdollet eavttuid mat leat čadnon siidaoasse- ja boazosearvedoarjaga njuolggadussii. Oažžun dihte doarjaga kapihttal 2 mielde, de ferte siidaoassi/boazosearvi ožžon buvttadanvuoittu unnimusat ovttá dain golbma maŋemus jagiin. Dasa lassin ferte siidaoasi boazolohku leat siidaoasse- ja boazosearvedoarjaga njuolggadusa § 4 mielde.

«Maŋemus jagiin» oaivvilduvvojit maŋemus golbma boazodoallojagat ovddal dan boazodoallojagi man ovddas ohcá doarjaga. Ovdamearka dihte árvvoštallojuvvo boazodoallojagi 2021/2022 ohcamuš jagiid 2018/2019, 2019/2020 ja 2020/2021 vuodul.

Eavttuid ferte oaidnit ollislaččat. Vaikko siidaoassi boazolohku maŋemus boazodoallojagis lei lobálaš boazologu siskkobealde, de sáhtá liikka leat nu ahte siidaoasis ii lean vuoigatvuohta oažžut buvttadanvuoittu maŋemus golbma jagiid, ovdamearkka dihte go unnimusdietnasagáibádus njuolggadusa § 3 nr. 2 ii devdojuvvon. Siidaoassái ii leat vuoigaduvvon doarjja kapihttal 2 mielde dakkár oktavuođain.

Nubbi lađas: Go mánga siidaoasi leat gillán seamma lihkohisvuođas ja eaiggátvuohta ii leat čielggas

Váldonjuolggadusa mielde lea doarjja vuoigaduvvon siidaosiide, vrd. vuosttaš lađđasa. Nubbi lađas rahpá spiehkastanvejolašvuođa dakkár oktavuođain go mánga siidaoasi leat vásihan seamma lihkohisvuođa, ja ii leat vejolaš oaidnit gii eaiggáda ráppiid. Dakkár oktavuođain sáhtá orohat dahje siida ovddidit ohcamuša guoskevaš siidaosiid ovddas.

Go orohat dahje siida ohcá doarjaga, de orohat/siida ferte dárkkistit ahte guoskevaš siidaosit devdet eavttuid vuosttaš lađđasis bustávva a – g. Ovttaskas siidaoasis lea ain iešheanalaš ovddasvástádus. Váldonjuolggadus lea ahte doarjaga meroštallan čadno juohke ovttá siidaoasi duodaštuvvon vahágii. Ráppiid ovddas, maidda eaiggátvuohta ii leat čielggas, meroštallojuvvo ja máksojuvvo doarjja orohahkii dahje siidii. Mearrádus eaktuda ahte doarjja mii máksojuvvo orohahkii juhkkajuovvo siidaosiid gaskkas mat devdet eavttuid doarjagii vrd. bustávva g ja h. Go ohcamuš meannuduvvo, de Eanandoalldirektoráhtta iská makkár siidaosit devdet eavttuid, nu ahte orohat dahje siida sáhtá juohkit doarjaga daidda siidaosiide.

§ 2-4. Duodašteapmi

Stáhtahálddašeaddji, šibitdoavttir, almmolaš bearráigeahččoeiseváldi dahje dáid ovddasteaddji galgá duodaštit massojuvvon bohccuid logu geahčadeami ja ráppiid lohka bokte.

Massimat muohtauđđasa geažil sáhttet duodaštuvvot ráppiiguin maŋnil go bievla.

Go lea veadjemeahtun dahje váttis ráppiid dievaslaččat duodaštit, de sáhtá vahága sturrodaga merošteapmi dohkkehuvvot doarvái buorren duodaštussan boazologu vuodul mii lei ovdal ja maŋnil massima. Boazologu ovdal- ja maŋnelmerošteami diekkár oktavuođas dahká stáhtahálddašeaddji.

Gáldu: [Forskrift for Reindriftens Utviklingsfond](#) (Lovdata)

Kommentárat mearrádussii

Vuosttaš lađas: Váldonjuolggadus

Vuosttaš lađas bidjá váldonjuolggadusa vahágiid duodašteami oktavuođas. Muhtun dilálašvuođain, nu go muohtauđđasa dahje dálveheavvaneami oktavuođas, lea dat bargovuohki mátoheapme dahje dakkár bargovuohki ii ávžžuhuvvo.

Váldonjuolggadus vuosttaš lađđasis muitala mo massima galgá duodaštit. Dihto dilálašvuođain go muohtauđđasis lea sáhka, de ii leat vejolaš dahje ii leat duosttáš dakkár duodašteapmi. Dakkár dilálašvuođain sáhttet njuolggadusat § 2-4 nuppi lađđasis geavahuvvot.

Vuosttaš lađas mearrida váldonjuolggadusa vahágiid duođašteapmái. Muhtun oktavuodain, ovdamearkka dihte muohtauđđasa dahje dálveheavvaneami oktavuodas lea dat bargovuohki jogo veadjemeahtun dahje ii leat duosttáš. Dakkár oktavuodain sáhtá geavahit mearrádusaid § 2-4 nuppi ja goalmmán lađđasis.

Mearrádus geavahuvvo čavgadit. Dušše massojuvvon bohccot maid stáhtahálddašeaddji, veterineara dahje almmolaš bearráigeahččaneiseváldi leat duođaštan dohkkehuvvojit ja leat vuodđun doarjaga meroštallamii § 2-5 mielde. Eará duođašteami dahje árvvoštusat vahága sturrodagas maid namuhuvvon eiseválddit eai leat dohkkehan, eai sáhte leat vuodđun doarjaga meroštallamii.

Vahága sturrodaga árvvoštallama nuppi dahje goalmmán lađđasa mielde ferte liikka eiseválddi ovddasteaddji mii lea namuhuvvon vuosttaš lađđasis

Skjønnsmessig vurdering av tapets omfang etter andre eller tredje ledd må likevel foretas av en representant for de myndigheter som nevnt i første ledd. Dette innebærer at dersom søkeren, for eksempel etter optelling av flokken en tid etter ulykken, anslår et høyere tap enn det som tidligere er dokumentert, må representant for de nevnte myndighetene bekrefte at tapet er korrekt før det kan legges til grunn ved beregning av tilskudd.

Nubbi lađas: Massin muohtauđđasa geažil

Go massá muohtauđđasa geažil, de sáhtá rábbelohkan dahkkot go bievlá duođaštan dihte vahága, jus dan ii sáhte dahkat árabut.

Goalmmán lađas: Veadjemeahtun dahje váttis duođaštit vahágiid

Go ii sáhte geahčadit ja lohkat ráppiid, de galgá stáhtahálddašeaddji čadahit ovdal- ja maŋnel árvvoštallama vahágis. Dakkár árvvoštallan dahkko dan bokte ahte stáhtahálddašeaddji váldá oktavuoda vahága gillájeddjiin ja viežžá dieđuid miessešattus ovdal vahága, galle bohcco gillájeaddji doaivu ahte lea massán, ledje go gillájeaddjis eará vaháгат ovdal lihkohisvuoda jna. Maŋnel sáhtá stáhtahálddašeaddji čatnat ohcci dieđuid oktii eará dieđuiguin, ovdamearkka dihte maŋemus boazodoalodieđáhusas, njuovvanloguin, gaskamearálaš miesseproseanttain árvvoštallan dihte eanemus jáhkehahti logu dan dihto dilálašvuodas.

§ 2-5. Doarjaga meroštallan

Foandastivra mearrida dárkilet njuolggadusaid doarjaga meroštallamii.

Doarjagis dollejuvvo iežasoassi 10.000 ruvnno guđege siidaoasis.

Sismiesit sáhttet dušše rehkenastojuvvot mielde massimii jus čoavjehat massojuvvojit. Dalle galgá árvvoštusa mielde meroštit miessemassima, vurdojuvvon merkenproseantta vuodul.

Gáldu: [Forskrift for Reindriftens Utviklingsfond](#) (Lovdata)

Kommentárat mearrádussii

Vuosttaš lađas: Njuolggadusat

Mearrádus addá vejolašvuoda BOF-stivrii bidjat njuolggadusaid doarjaga meroštallamii. BOF-stivra mearridii njuolggadusaid doarjaga meroštallama birra vahágiid oktavuodas lihkohisvuodaid geažil geassemánu 15. b. 2022.

Njuolggadusaid birra

Njuolggadusat leat huksejuvvon ásaiduvvon práksisa ala ja daid ulbmilin lea sihkkarastit dásseárvosaš meannudeami ja diehttevašvuoda ohcciide boahpteáiggis. Gustovaš njuolggadusaid čuoččuhuvvo ahte doarjja meroštallojuvvon máksomeriid vuodul mat leat lánkaásahusas vuodđomáksomeriid birra vahágiid oktavuodas go boraspiret goddet dahje vahágahttet bohccuid, maid Dálkkádat- ja birasgáhttentdepartemeantta lea mearridan. Dat máksomearit rievdaduvvojit jahkásaččat boazodoallojagi maŋŋel ja bidjet buhtadanárvvu misiide, varrásiidda, njiŋnelasaide ja herggiide juohke ovttá orohagas dahje boazosearvvis. Máksomearit rievddadit orohagaid mielde ja sáhtta dagahit ahte doarjja meroštallojuvvon iešguđet ládje áššiin vaikko boazomassima lohku lea seamma allat, vaikko meroštallojuvvon seamma ládje.

Doarjjameroštallama oktavuodas biddjojit dábálaččat mearriduvvon máksomearit vuodđun. Jus ohcamuš guoská ovddeš boazodoallojahká, de geavahuvvojit máksomearit mat ledje dan boazodoallojagis áigeguovdil. Ohcanáigemeari lea 12 mánu vrd. § 2-6, dan dihte dat lea gustovaš erenoamáš dilálašvuodain, ovdamearkka dihte dalle go áššemeannudanáigi lea guhkiduvvon.

BOF-stivrra ákkastallan geavahit daid máksomeriid lea ahte áigot eastadit bohcco árvvu vealaheami, beroškeahttá lea go vahát boraspiriid dihte dahje muohtaudđasa dihte.

Gustovaš práksisa mielde addojuvvo doarjja máksomeriid vuodul duodaštuvvon massimiid mielde mat meroštallojuvvot juohke ovttá bohcco sohka bealli/agi vuodul, vrd. § 2-4. Jáhkahahtti buvttadanvuoittu buhtadeapmi meroštallojuvvon lassin, vrd. siidaoasse- ja boazosearvvedoarjja § 10, ja buhtadus sismisiid ovddas vrd. § 2-5 goalmát lađas. Dat práksisa vástida iešguđetge stáhtahálldašeaddji práksisii go meroštallet doarjaga bohccuid ovddas maid boazoeaiggát lea massán boraspiriide (boraspirebuhhtadus).

Loahpalaš doarjja mearriduvvo go buot eavttut leat devdojuvvon ja lea vuodđuduvvon dieđuide mat bohtet ovdan ohcamušas ja mat leat olámuttus dalle go áššemearrádus dahkko. Ovdal go áššemearrádus dahkko, de Eanandoalloldirektoráhtta čadaha dárbbalaš iskkademiid hálldašan dihte doarjjaortnega, dása gullá maid viežžat dieđuide eiseválddiin mat leat namuhuvvon § 2-4 jus dat dieđut eai leat juo biddjon ovdi. Doarjjaoažžu ii sáhte vuordit ahte doarjja meroštallojuvvon ođđasit jus ođđa dieđut bohtet ovdan maŋŋelaš. Boazodoalloeiseválddit sáhttet dárkkistit doarjjaoažžu sihkkarastin dihte ahte doarjaga eavttut ledje njuolga, vrd. BOF-njuolggadusa § 1-11.

Doarjaga meroštallan

Gustovaš njuolggadusaid mielde meroštallojuvvon doarjja/buhtadanárvu juohke bohcco mielde, gustovaš máksomeriid vuodul, dáinna lágiin:

Miesit:	Vuodđomáksomeari miessi
+	Massojuvvon buvttadanvuoitu
+	Massojuvvon miessenjuovvandoarjja

Varrásat:		Vuođđomáksomearri varis
	+	Massojuvvon buvttadanvuoitu
Njiŋnelasat:		Vuođđomáksomearri njiŋnelaš
	+	Massojuvvon buvttadanvuoitu
	+	Čuovvungolut: (sismiessi vrd. § 2-5 goalmát lađas) 1,6 x vuođđomáksomearri njiŋnelas
Iežasoassi:	-	10 000 kr juohke siidaoasi nammii

Massojuvvon buvttadanvuoitu ja miessenjuovvandoarjja meroštallojuvvo juohke bohcco nammii gustovaš máksomeriid mielde njuolggadusas doarjaga birra siidaosiide ja boazoservviide §§ 10 ja 11.

Nubbi lađas: Iežasoassi

Mearrádusas čuožžu ahte galgá gessojuvvot iežasoassi mii lea 10 000 ruvnno. Dat mearkkaša ahte ohcci ferte ieš gokčat vuosttaš 10 000 ruvnno vahágis. Jus ohcci lea orohat dahje siida, mii ohcá § 2-3 nuppi lađđasa mielde, de galgá iežasoassi gessojuvvot doarjjameroštallama oktavuodas juohke ovtta siidaoasi namas mii oažžu doarjaga.

Goalmát lađas: Sismiessi

Mearrádusa mielde sáhtá sismiesi árvu meroštallojuvvot doarjjasubmái go čovvjeheiid lea massán.

Goalmát lađas lea sáhttit-mearrádus, mii mearkkaša ahte BOF-stivrras lea vissis árvvoštallanvejolašvuohta mearridan dihte galgá go doarjja juolluduvvot, ja mo doarjja galgá meroštallojuvvot. Gustovaš práksisa lea čállojuvvon njuolggadusaide ja lea huksejuvvon guhkesáigásaš práksisa ala. Ulbmil lea sihkarastit diehttevašvuođa ja dásseárvosaš meannudeami lihkohisvuođavahátáššiid oktavuodas.

Njiŋnelasaid massimiid oktavuodas lea BOF-stivra ásahan práksisa ahte addojuvvo doarjja «čuovvungoluide njiŋnelasaid ovddas», mas sismiesi buhtadus lea mielde. Dat práksisa lea vuođđuduvvon dasa ahte massojuvvon njiŋnelas livčče addán ovtta miesi čuovvovaš jagis, ja vejolaččat ođđa miesi nuppi jagi.

Čuovvungolut, ja sismiesi buhtadeapmi, meroštallojuvvo alo duodaštuvvon njiŋnelasmassima vuođu. Doarjja mearriduvvo rehketvuogi 1,6 x njiŋnelasaid máksomeari mielde, ja lea álo vuođđuduvvon gustovaš njuolggadussii vuođđomáksomeriid birra dan dihto guovllus. Das lea 1,0 boahpte miessi man njiŋnelas livčče addán, ja 0,6 lea vurdojuvvon buvttadeapmi nuppi jagis.

§ 2-6. Sierragáibádus ohcamii

Doarjjaohcan mearkkašahtti boazovahágiid ovddas galgá sáddejuvvot nu johtilit go vejolaš, ja maŋemustá 12 mánu maŋgel go lihkohisvuohta dáhpáhuva.

Ohcan galgá unnimustá sisdoallat

- a. oppalaš čilgejumi massojuvvon bohccuin, mas sohkabealit ja agit bohtet ovdan (badjel 2 jagi, 1–2 jagi, čearpmat/miessi),
- b. rábbeduođastusa, gč. § 2-4,
- c. čilgehusa das mii dáhpáhuvai ovdal massima,
- d. čilgehusa álggahuvvon doaibmabijuin mat galget eastadit/unnidit vahága.

Gáldu: [Forskrift for Reindriftens Utviklingsfond](#) (Lovdata)

Kommentárat mearrádussii

Dán mearrádusas čilgejuvvojit ohcamuša gáibádusat ja ohcanáigemearri. Buot dárbbášlaš dieđut ja mildosat galget leat sáddejuvvon Eanandoalldirektoráhttii ovdal áigemeari jus ohcamuš galgá oidnojuvvot ollislažžan. Duođastusat mat bohtet maŋnel ohcanáigemeari eai vuodđuduvvo doarjaga meroštallamii. Dat sáhtá dagahit ahte doarjjaohcan hilgojuvvo.